

AKUREYRARBÆR

Mótt.: 30.04.2003

Málsnr.: 2003040120

Lykill: 01-301



DÓMS- OG KIRKJUMÁLARÁÐUNEYTIÐ

Bæjarstjórn Akureyrar
Kristján Júlíusson, bæjarstjóri
Geislagötu 9
600 Akureyri

Arnarhvoli 150 Reykjavík
sími: 545 9000 bréfasími: 552 7340
netfang: postur@dkm.stjr.is
veffang: <http://domsmalaraduneyti.is>

Reykjavík, 28. apríl 2003

Tilvísun: DKM02110234/352.1/BH/--

Hjálagt sendist yður í ljósríti ný skipulagsskrá fyrir Minningarsjóð Maríu Kristínar Stephensen sem staðfest var af dómsmálaráðuneytinu í dag. Samkvæmt 7. gr. skipulagsskrárinnar skal stjórn sjóðsins skipuð 3 mönnum og skal bæjarstjórn Akureyrar skipa einn þeirra. Þess er hér með farið á leit við yður að þér, í samræmi við framangreinda grein skipulagsskrárinnar, skipið mann í stjórnina. Jafnframt er þess óskað að dómsmálaráðuneytinu verði tilkynnt um hver hafi verið skipaður.

F. h. r.

A handwritten signature in cursive script, appearing to read "Bryndís Helgadóttir".

Bryndís Helgadóttir


Dómsmálaráðherrann

gjörir kunnugt:

Að ég hér með staðfesti skipulagsskrá fyrir Minningarsjóð Maríu Kristínar Stephensen, sem fest er hér við og geymd er í dóms- og kirkjumálaráðuneytinu í staðfestu ljósriti.

Í dóms- og kirkjumálaráðuneytinu, 28. apríl 2003.

F. h. r.



Staðfesting

á skipulagsskrá fyrir Minningarsjóð Maríu Kristínar Stephensen.

Gjald kr. 5.000,-

kv.nr. 8391

**Skipulagsskrá
fyrir
Minningarsjóð Maríu Kristínar Stephensen.**

1. gr.

Sjóðurinn heitir Minningarsjóður Maríu Kristínar Stephensen.

Hjónin Stephán Stephensen og Anna Sigríður Stephensen, fædd Melsted, ákváðu með arfleðsluskrá, gerðri 30 júní 1915, að verja mestum hluta eftirlátinna eigna sinna til stofnunar sjóðs er bæri nafnið "Minningarsjóður Maríu Kristínar Stephensen". Skipulagsskrá fyrir sjóðinn var staðfest 21. desember 1928. Samkvæmt henni skyldi verja 2/3 hluta eignanna til stofnunar átta sjóða en 1/3 hluti skyldi mynda höfuðstól Minningarsjóðs Maríu Kristínar Stephensen.

Skipulagsskrá þessi kemur í stað skipulagsskrárinnar sem staðfest var 21. desember 1928 og tekur til þess hluta upphaflegu skipulagsskrárinnar sem varðar 1/3 hluta Minningarsjóðs Maríu Kristínar Stephensen.

2. gr.

Heimili og varnarþing sjóðsins er á Akureyri.

3. gr.

Eignir sjóðsins voru hinn 1. janúar 2002 eru kr. 3.677.084,09

4. gr.

Tekjur sjóðsins eru vextir og arður af stofnfé, árleg framlög og aðrar tekjur.

5. gr.

Tilgangur sjóðsins er að styrkja konur útskrifaðar úr framhaldsskólum á Akureyri til háskólanáms á sviði raunvísinda eða lista.

6. gr.

Árlega má verja allt að 9/10 hluta af tekjum/vöxtum sjóðsins í samræmi við tilgang hans. Tekjur, sem þá standa eftir að frádrögnum kostnaði við rekstur sjóðsins, skulu lagðar við höfuðstólinn.

7. gr.

Stjórn sjóðsins skipa 3 menn, einn skipaður af menntamálaráðherra, einn af bæjarstjórn Akureyrar og einn af rektor Háskólans á Akureyri.

8. gr.

Stjórn sjóðsins auglýsir einu sinni á ári eftir umsóknnum um styrki úr honum.

9. gr.

Stjórn sjóðsins hefur á hendi vörslu fjármuna hans og ber að ávaxta þá á sem tryggilegastan hátt.

10. gr.

Reikningar sjóðsins skulu endurskoðaðir árlega af löggiltum endurskoðanda. Reikningsár sjóðsins er almanaksárið.

11. gr.

Gera má breytingar á skipulagsskrá þessari ef það telst nauðsynlegt eða heppilegt vegna breyttra aðstæðna. Skipulagsskránni verður þó ekki breytt nema með samþykki allra stjórnarmanna og staðfestingu dómsmálaráðuneytis.

12. gr.


Telji stjórn sjóðsins að hann geti ekki á einhverjum tíma gegnt hlutverki sínu getur hún ákveðið að leggja hann niður, enda sé hún einhuga um það og dómsmálaráðherra heimili. Eignum sjóðsins skal þá verja til málefnis sem stjórnin telur best falla að hlutverki hans.

13. gr.

Leita skal staðfestingar dómsmálaráðherra á skipulagsskrá þessari og fellur þá jafnframt úr gildi skipulagsskrá sjóðsins sem staðfest var 21. desember 1928, nr. 81 í B-deild Stjórnartíðinda 1928.

Reykjavík, 19. nóvember 2002.

Stjórn Minningarsjóðs Maríu Kristínar Stephensen, skv. skipunarbréfi dómsmálaráðuneytisins, dags. 6. febrúar 2002.


Jón Thors, formaður


Sigurður Helgason


Valur Árnason

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið,

F.h.r.

